

gismundi vocem, ceteri Electores, communique assensu illam approbantes, ipsum Sigismundum Wenceslai fratrem Cæsarem consalutant. At enim de Dubravii narratione vel ob id dubites, quod Sigismundus ipse electioni non adfuerit, sed vices ejusdem gesserit Fridericus Noribergensis Burggravius: uti patet ex Electorum diplomate Spirensibus misso, & a Lehmanno *lib. VII. Chronici Spirensis cap. LXXI.* exhibito.

§. CCXV. Comprobavit Sigismundus a Carolo patre factam Gallis sive de Delphinatu, sive de Vicariatu Arclatensi concessionem. Unde recte comprobatur Conringius, hoc ipso ævo Galliarum Reges summam Imperii Germanici potestatem in regnum Arclatense & Delphinatum agnovisse.

§. CCXVI. Auctore Sigismundo, ad sopienda ecclesiarum schismata habitum est concilium Constantiense, in eo quidem laudandum, quod motis se-